



Nunatsinni umiartortunngorniarnermi ilinniarfiusinnaasut suulluunniit tamarmik illoqarfimmut ataatsimut, ilinniarfimmullu ataatsimut ataatsimuulersinneqassagaluarpata pitsaaqtigisinnaasaanik pitsaanngequtigisinnaasaanillu aammalu aningaasatigut kingunerisinnasaanik misissueqqillugit Naalakkersuisut peqquneqarnissaannik Inatsisartut aalajangiiffigisassassaattut siunnersuut. Maskinmesterinngorniartarnerup imarsiornernermik ilinniarfiup iluaniilernissaa soorluttaaq nunatsinni umiarsuup naalagaatut ilinniartitsisoqartalersinnaanera misissugassanut ilaassaaq. Misissuineq naammassereersimassaaq UKA25 sioqqullugu.

(Inatsisartunut ilaasortaq, Peter Olsen, Inuit Ataqatigiit)

Siullermeernera

Inatsisartunut ilaasortap Peter Olsen-ip, Inuit Ataqatigiit sinnerlugin aalajangiiffigisassatut siunnersuuteqarneranut qujassuteqarfigeriarlutigu siunnersuutaanut Naleqqamiti imatut oqaaseqaateqassaagut.

Imarsiornermik ilinniarfiit pitsaasuunissaat aammalu nunatsinni inuutissarsiutip pingaarnersaata inerisaqqinnissaanut aningaasaliissutit amerlanerusut pitsasumillu siunnerfeqartumik imarsiornermi ilinniarfiit periarfissaqarnissaat Naleqqap pingaartitarilluinnaqqissaarpai.

Naleqqamiit kissaatitta pingaartut ilagilliunnarpaat pitsaasumik qaffasisumillu imarsiornermik ilinniarfeqarnissarput. Ilinniarfik sorleq ilinniarfigissanerlugu toqqaanissaq pingaaruteqartorujussuuvoq ingammik umiartornikkut imarsiornikkullu ilinniarfiit ineriertorfiusumk inuussutissarsiorfigineqarnisaat eqqarsaatigalugu.

Periarfissaasussat ataavartumillu inerisartuagassat arlaqartuuusut Naleqqamiit pingaartillugit umiartornikkut imarsiornerullu tungaatigut inerisaqqitassat umiartormermi allaqarput.

Umiartornikkut ineriertorneq ilutigalugu umiarsuup atortorissaarutai najoqqutaralugit umiarsuarmik ingerlatsinermi ilinniarfiit atortorissaarutitigut ullutsinnut naleqqussakkanik



ilinniarfiit peqarnissaat naleqqusartuarnissaallu Naleqqamiit pingaartillugit
aninggaasalersortuarnissaat pingaruteqarluinnartutut isigaagut.

Imarsiornikkut umiartornikkullu ilinniarfissat amerlasoorsuuput periarfissallu assigiinngiaarlutik.
Naleqqamiit pingaartippalput imarsiornermik taamatullu umiartornermik ilinniarfeqarnissat
inerisaqqinnissaat taakkulu uukkataralugit ineriertortitsinissarput.

Umiartornerup imarsiornerullu iluani ilinnarfissarpasuit allagartartaartorfiusinnaanngorlugit
ilinniarfiit inerisarlugillu periarfissaalernissaat, ilinniarfinnik peqarluta ingerlatsiviunissaat
Naleqqamiit pingarnerutilittut isigaagut, siunnersuuteqarput ujartugaaniit ilami ilinniarfik kina
oqarami ataasiinnaassasoq uagut sineriassuarmi najugaqartuuvugut illoqarfiit akornanni nunaqarfiit
inoqarfiit orninniarutsigit imaatigut angalasussaavugut assartuisussaavugut ilami taamatut
oqarnitsinni aqqussinniorsinnaannginnerput aallaaviuvooq taamaammat imarmi inuuniuteqarnitta
pingaaruteqarnera ilutigalugu ilinniarfiit naammattut aammalu ineriertorfiusussat
pigisariaqarpagut.

Pikkorissarnerit ilinniarnerit qaffassaaqqinnerit aammalu allagartanik ataavartumik
inerisaajuarnerit pisariaqarluinnartuupput imarsiornermi inuussutissarsiorteqartuusunut
isumaqarpugut.

Ilinniarfiutigut nunatsinniittut ataasiinnaassanersoq aallaviginagu nunatsinni
umiartortunngorniarnermi ilinniarfiusinnaasut suulluunniit tamarmik illoqarfimmut ataatsimut,
ilinniarfimmullu ataatsimut ataatsimoortinneqalissagaluarpatu pitsaaqutigisinnaasaannik
pistaanngequtigisinnaasaanillu aammalu aningasatigut kingunerisinnaasaannik misissueqqullugit
Naalakkersuisut peqquneqarnissaanik Inatsisartut aaliangiiffigisassaattut siunnersuut qiviaraanni
maskinmesterinngorniarnerup imarsiornermik ilinniarfiup iluaniilernissaa soorluttaaq nunatsinni
umiarsuup naalagaattut ilinniartitsisoqartalernissaanera misissugassanut ilaassasoq
siunnersuuteqartup ujartorpai taamatullu misissuineq naammasserersimassasosq UKA2025
sioqqullugu siunnersuutigalugu.



Naleqqamut pingarnerunngilaq ilinniarfik ataatsimut katersorneqassanesut Naleqqamut pingarnerpaajuvoq Imarsior tutut ilinniartitaanerit pillugit suliniuteqarnermi pingarnertut isigineqassasoq taassaasariaqartoq oqaatigeriikkatituu imarsiornermik ilinniarfiup ullutsinnut naleqqutttumik tulluartumillu nutaaliaanerusumillu timitaqalernissaa piaartumik timitalersorlugu aallartinnissaa Naleqami pingarnerpaavoq.

Nunap inuisa imarsiornermi umiartornermilu atorneqarnerulernissaasa timitalersornissaat ilanngullgu Naleqqamiit pingartitarilluinnarpalput tamaammaat aamma aningasanut isumaqtigiinniartarnerni arlaqalersuni aammalu Naalakkersuisooqataalernitsinni qaqlertuarlugu pisarparput umiartornikkut ilinniartitaanerup tungaatigut aningasaliinerunissat pingartillugit isumaqtigiinniutigisarlugit ajoraluartumillu maannakkumut Naalakkersuisut oqaasiinnartigut tamakkua tapersorsortarsimagaat maluginiarparput.

Uggornaqaaq aqumiut kalaaliunissat pimoorunneqanngimmat aammalu ilinniartitaanerput qaffassaqqinnissat isiginiarneqanngimmat, taamaallaat misisorusunneqarpoq umiartornermut ilinniarfik ataasiinnaassappat pitsaaqutai pitsaanngequtaalu suunersut, uggornarpoq qanoq iliuuseqarnaveersa arnerujussuup ersarilligaluttuinnarnera kalaallit aqumiut atorneqarnaveersa arneqarnerannut, uggornarpoq timitalersuiniartoqarani oqaasiinnaasoqarmat.

Uagut Naleqqamiit oqaatsigut pimooruppagut aammalu timitalersornissaat oqaasiinnaanngitsumik pimooruppagut, ila taamaammat piaartumik timitalersuilenissat aallartereernissaat angorusullugit iliuuseqarniarsarinerput umiartortutut aalisartut isigaat, immaqaana aatsaat tamakku uagut siuuttunngorutta aaqqinneqarniartut, ilami maannakkumut oqaluuserineqaannarnerat Naleqqamiit akuerinngilarput taamassinnaanngilaq alloriaqqittariaqarpugut ukiorpassuit nunap inui piumasut suleqataarusuttullu utaqqepeqissinnaanngillat.

Taamatut Naleqqamiit oqaaseqaateqarluta ataatsimiititaliami susassaqartumi oqariartuutigut ilanngullugit sukumiisumik suliarineqarnissaat innersuussutigaagut.